

Rispost'a Elvira.

Si Titànu, su re de su lugore,
ilgiarèrat s'oscuro mente mia
e Apollo, pro sorte o cortesia,
mi rendèrat poèticu valore:
a Tie, poetessa de dolore,
suggettos de letizia, mandaia:
custu saggiuc'has fattu a rigas d'oro,
de pefèsè, m'iscombùssulat su coro.

Custa vida, est cummèdia de affannos
a costante ribbàttida, importuna;
sun a contu sos fizos de Fortuna,
chi de giòia s'ingemmana sos annos;
sos pius, hamos tristos disingannos,
accidentes e gioias, nemmanc'una:
a resister/ numpènid e lottare
in s'avversu destinu, a man'a pare.

O Elvira, coraggiu in s'isventura;
non ti lessas abbàttère, pro custu:
cun costanzia, sullèvia su disgustu;
cun sa fide, s'essènzia, rassigura,
sende forte che brunzu o rocca dura,
si det bincher sa causa de su giustu:
si fortessa in su compitu condues
in sos brazzos nemigos, non bi rues...

Zertos dotos e res, patriarcales,
la idian a modu 'e bontempones
e pro cussu, triunfos a muntones,
dend'esempi'a sos ateros mortales:
su responsu 'e sos donos cardinales
est ispostu in sos sacros liberones;
sos cussizos cominz'a cumpiàghere,
non t'affligias in totu e lessa faghère.

Ai custos cunzettos, fide presta,
ne pius muncaloru, in ojos, bagna:
sas deliscias, sun torra in sa campagna,
barigada, s'orribile tempesta;
de amore cantende, faghet festa
su columbu, s'amabile cumpagna
e alziat sinfonias de consolu,
dae s'adde, s'amenu, rusignolu!

Adiu, poetessa, rara e digna,
de s'amena muntagna 'e s'Ortobene:
daghi terras padrona 'e tantu bene,
una mandande, appòsita, benigna;
fentomare ti potas in Sardinia
che Polinnia, Eràto e Melpomène:
arrivada gaie a Elicona
ti preparen e ponzan sa corona...!

Gio.B. Morittu, sabiu moralista.

Fentomadu, c'haimis "Bullittone":
pro curare, Isculàpiu, primu dotu;
sapiente, che propriu Salamone.

Frailalzu valente, riconnotu:
s'andaia pro ponner calchi zou,
cun settènzias morales, fid etotu.
Che prendia su caddu in postu sou:
=Bonas dies, Morì: m' ilbrighet prestu..=
"Ispetta, cristianu, a babbu tou.
Cale ferru l' ilbattulat? =su drestu=
lassa fagher a mie, cristianu,
ca si fatto cun tegus, b'est s'arrestu3
De presènzia bell'omine, anzianu:
nos pariad Aroane, a Barba manna;
de sos legos e dètos, su sovrànu.
=Tiu Morì, abbèrzami sa janna:
si m'istento, bi cherzo tota die,
ca conto visitare a Chinu Sanna=
"Trattene, cristianu, intende a mie:
zocca zocca, t'agghajat caligunu;
tuccas chito, manzanu e ses inie.
Beffajolos nd'agattas piùs d'unu:
si t'apprettan, comente faghes tue;
lu suppoltas s'insultu, s'impoltunu?
Supponimos, ti salves, fue fue:
si su caddu si tened in sos pese,
o ti trazzat s'istaffa o moris cue.
Resta iu e curre sae trese;
intra puru in Chelèmmure, a sonazza,
ma figura de maccu, fagher tese!
Cun su caddu ferradu, faghes pazza,
cun su ferru zocchende o già finidu,
ti che poden bogare, mazza mazza.
Una olta, unu tale presumidu,
ch'in degh'annos che tue, fid intradu,
hat su babbu Lusbè, disubbididu.
Si deviat passare Riukadu
cun sa fune: su adu fit distruttu;
in piena sà riu e airadu:
disubbidit su fizu, risoluttu;
ne s'abbizzat Lusbè, de su brincare
si no cando, su riu, si l'hat giuttu:
tup a intro Lusbè, pro lu salvare;
manc'a isse, sa morte nd'had ilfrantu,
ch'in Coghinas, fin tèttereros umpare!
=Ecc'a babbu=Saludu, omine santu:
non faghimis niente, senza tè;
pro non perder su tempus, peristantu

li fia raccontende de Lusbè!.."